

(<https://news.usm.my>)

Berita Mutakhir

30 OCT

TIDAK SANGKA BERGRADUASI BERSAMA



PULAU PINANG, 30 Oktober 2017 – Mantan Pendaftar Universiti Sains Malaysia (USM), Dato' Azman Abdullah, 63, menyokong penuh untuk anak dan menantunya menyambung pengajian namun tidak menyangka mereka menerima ijazah pada hari upacara yang sama pada tahun ini.

"Saya merasa sangat gembira kerana seluruh keluarga dapat berkumpul serta meraikan kejayaan dua ahli keluarga kami dalam upacara bersejarah ini," kata Azman yang meraikan anaknya, Annasihah Azman, 28, yang menerima Ijazah Sarjana Informatik dan menantunya, Nursuraya Hassan, 31, menerima Ijazah Sarjana Kaunseling.

"Saya berhasrat untuk menyambung pengajian di luar negara dalam bidang yang sama," kata Annasihah yang kini sedang berkhidmat sebagai Pegawai Penyelidik di Pusat Teknologi Pengajaran dan Multimedia (PTPM), USM.



Annasihah adalah anak keempat kepada pasangan Azman dan juga Noraini Osman yang juga mantan staf di Pusat Sejahtera, USM. Annasihah juga adalah pemegang Ijazah Sarjana Muda Teknologi Maklumat dari Universiti Islam Antarabangsa Malaysia (UIAM).

Nursuraya yang bertugas sebagai jururawat di Institut Perubatan dan Pergigian Termaju (IPPT) USM di Bertam Kepala Batas masih belum memikirkan untuk menyambung pengajian kerana mempunyai dua orang anak yang masih kecil iaitu berusia 4 dan 5 tahun.

Teks: Siti Najihah Mustafa (pelajar intern MPRC)/Suntingan: Nor Rafizah Md Zain



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015